



Kamis, 03 Oktober 2024

Ogen : Sakaria 11:15-17



Perhatikan Si La Terpake



Permakan e me sekalak sinitugasken tuanna guna njagai, mabai dingén mere man biri-biri seh besur. Ia ertanggung jawab nandangí keamanen ras keselamatan biri-biri e. E maka ia me jadi garda terdepan (si lebena) kune lit ancamen si man alanken. Perjuangenna sada e me maba entah nggera biri-biri ku kandangna alu besur ras selamat. Permakan si bage maba kiniulin, terteki tuanna i bas ndahiken dahin si endesken man bana. Berbeda ras permakan si jadi ogenta bas paksa teneng enda. Isuruh me sekalak mpermakani biri-biri entah rarasen, Idahna biri-biri kicat entah man sampaten, ipediatna, la lit ukur ersuruh ndarami biri-biri si bene, si luka labo itambarina dingén labo iberena gagaten man biri-biri e guna man. Daging biri-biri si mbur ipanganina. Bagenda me permakan si la ndalanken tugasna uga arusna. Biakna terjeng ngukurken dirina saja, janah la mediate nandangí kai arusna si man dahin kena. Ikataken Tuhan maka permakan si bagenda rupana la terpake. Kalak si bagenda nandangí ndatken cilaka i bas Dibata nari. Permakan enda iandingeken suruh-suruhan Tuhan si la ndahiken dahinna bagi siendesken Dibata man bana. Kegeluhenna terjeng ngukurken dirina saja, uga segelah ia besur bage saja lalap si man perayakenna seh maka adi la akapna ndatken ombang ibassa labo ia mediate pe. Si bagenda ipersingeti Dibata i bas paksana ndatken cilaka kap.

Kai banci si ukuri arah perenungenta enda? Teptep kita enggo iendeken Dibata dahin/tanggungjawab man banta. Dahin e labo terjeng pepuaskanen dirita, entah gelah pebesur bana saja. Dahin e arus itanggungjawapi subuk lit si ngidahsa entah la lit singidahsa. Uga arusna erdahin bagelah, sabap kune la sidahiken i bas paksaNa Dibata kap si ertembe-tembe.

☞ Tanggungjawapi dahin si enggo iendesken man banta